

Kalaallit Nunaanni sulisilluni ajoqusersinnaanermut isumannaarineq pillugu inatsit malillugu napparsimasunik katsorsaanagermut atortutigullu ikiorsiissutitut aningaasartuutit akilerneqartarnerat pillugu nalunaarut

Kalaallit Nunaanni sulisilluni ajoqusersinnaanermut isumannaarineq pillugu inatsimmi nr. 1528, 21. december 2010-meersumi § 14, imm. 6 naapertorlugu aalajangersarneqarpoq:

Nassuiaatit

§ 1. Ajoquserup katsorsarneqarneranut, tassunga ilanngullugu sungiusarneqarneranut aningaasartuutit aammalu atortutigut ikiorsiissutitut, tassunga ilanngullugu timip ilaanut taarsiutissatut sanaanik isarussanillu pisinnermut iluarsaassinermulluunniit atatillugu aningaasartuutit nalunaarummi matumani maleruaqusat malillugit akilerneqassapput.

§ 2. Nalunaarummi matumani makku ima paasineqassapput:

- 1) *Ajoquserneq nalunaarutigineqartoq*: ajoquserneq Arbejdsskadestyrelsimut nalunaarutigineqartoq.
- 2) *Katsorsartinneq*: Nakorsaatit atorlugit nakorsallu paasisaanik nappaammik katsorsaaneq sunaluunniit, tassunga ilanngullugu sungiusartinneqarneq sapinngisamik pitsaanerpaamik peqqissinissamut pisariaqartoq.
- 3) *Atortutigut ikiorsiissutit*: inuttut atortutigut ikiorsiissutit, tassunga ilanngullugit timip ilaanut taarsiutissatut sanaat, isarussat, tusartaatit issiaviillu assakaasullit nappaammik katsorsaanagerup sungiusarneqarnerulluunniit kinguneqarluarnissaat, sulisilluni ajoqusernerup kingunerisaasa annikillisarinnissaat imaluunniit inuussutissarsiorsinnaanermik annaasaqarnerup qanoq annertutiginerata aammalu ataavartumik ajuuteqalernerup annertussusiata erseqqinnerusumik paasineqarnissaat qulakkeerniarlugit.
- 4) *Suliap suliarineqarnera*: taarsiinissaq il.il. pillugit ataatsimut aalajangiisoqarnissaata tungaanut suliap Arbejdsskadestyrelsimi suliarineqarpoq, tak. Kalaallit Nunaanni sulisilluni ajoqusersinnaanermut isumannaarineq pillugu inatsimmi § 15.
 - a) taarsiiffigineqarnissaq il.il. pillugu aalajangigaq Ankestyrelsimut suliassanngortinneqarpat, suliarlu tassanngaannit Arbejdsskadestyrelsimut utertinneqarpat suliap suliarineqartutut isigineqassaaq, taarsiiffigineqarnissaq il.il. pillugit Arbejdsskadestyrelsimut nutaamik aalajangiinissaata tungaanut.
 - b) katsorsartinnermut atortutigullu ikiorsiissutitut aningaasartuutit akilerneqarnissaat pillugu apeqqut suliassanngorteqqinneqarpat, tak. Kalaallit Nunaanni sulisilluni ajoqusersinnaanermut isumannaarineq pillugu inatsimmi § 47, ajoquserup suliassanngortitseqqinnissamik qinnuteqarneranit imaluunniit styrelsimut piimasaqarnera malillugu Arbejdsskadestyrelsimut suliassanngortitseqqinnissamik nalunaaruteqarneranit styrelsimut nutaamik aalajangiinissaata tungaanut suliap suliarineqartutut isigineqassaaq, taamaattorli tak. § 7, imm. 2.
 - c) inatsimmi § 14 malillugu aningaasartuutit akilerneqarnissaat siunertaralugu suliapi siusinnerusukkut aalajangikkamut atatillugu suliap suliareqqinneqarnissaa Arbejdsskadestyrelsimut aalajangerneqarpat ullormit suliap

suliereqqinneqarnissaanik Arbejdsskade styrelsen aalajangersagaanit styrelsen nutaamik aalajangiinissaata tungaanut suliaq suliarineqartutut isigineqassaaq.

- 5) *Katsorsartinnernut atortutigullu ikiorsiissutininut siunissami piffissami killilimmi aningaasartuutit:* katsorsartinnermut il.il. aningaasartuutit piffissap killilerneqartup iluani naammassineqartutut nalilerneqartut aammalu atortutigut ikiorsiissutininut aningaasartuutit ajoqusertup piffissami killilimmi pisariaqartitassaatur nalilerneqartut.
- 6) *Katsorsartinnernut atortutigullu ikiorsiissutininut siunissami aningaasartuutaajuartussat:* katsorsartinnermut il.il. aningaasartuutaajuartussatur nalilerneqartut aammalu atortutigut ikiorsiissutit ajoqusertup ataavartumik pisariaqartitassaatur nalilerneqartut.

Ajoqusernerup nalunaarutigineqannginnerani katsorsartinnernut atortutigullu ikiorsiissutininut aningaasartuutit

§ 3. Katsorsartinnermut atortutigullu ikiorsiissutininut aningaasartuutit ajoqusernerup nalunaarutigineqannginneranut attuumassuteqartut akilerneqarsinnaapput § 4-mi piumasaqaatit naammassineqarsimappata.

Suliaq suliarineqarnerani katsorsartinnernut atortutigullu ikiorsiissutininut aningaasartuutit

§ 4. Katsorsartinnermut aningaasartuutit akilerneqarsinnaapput katsorsartinnerup ajoqusernerup kingunerippagu aammalu sapinngisamik pitsaanerpaamik peqqissinissamut tamanna pisariaqartutut nalilerneqarpat. Aningaasartuutit peqqissutsikkut sullississutit imaluunniit isumaginninnikkut sullississutit pillugit maleruaqqusat atuuttut malillugit imaluunniit pisortat napparsimmavianni katsorsartinnerup ilarisaatur pisortanit akilerneqarsinnaannginnerat tunngavissaatinneqarpoq. Sungiusarneqarneq nakorsat nappaammik katsorsaanerannut malitsigitinneqartoq nakorsanit nakkutigineqartumik ingerlanneqassaaq.

Imm. 2. Timip ilaanut taarsiutissatur sanaanut, isarussanut, tusartaatinut, issiavinnut assakaasulinnut atortutigullu ikiorsiissutininut allanut il.il. aningaasartuutit akilerneqarsinnaapput nappaammik katsorsaanerup sungiusarneqarnerulluunniit kinguneqarluarnissaat, sulisilluni ajoqusernerup kingunerisaasa annikillissarnissaannut imaluunniit inuussutissarsiorsinnaanermik annasaqarnerup qanoq annertutiginerata aammalu ataavartumik ajuuteqalernerup annertussusiata erseqqinnerusumik paasineqarnissaanut taakku pisariaqarpat. Aningaasartuutit peqqissutsikkut sullississutit imaluunniit isumaginninnikkut sullississutit pillugit maleruaqqusat atuuttut malillugit imaluunniit pisortat napparsimmavianni katsorsartinnerup ilarisaatur pisortanit akilerneqarsinnaannginnerat tunngavissaatinneqarpoq.

Imm. 3. Atortutigut ikiorsiissutip, tak. § 2, nr. 3, iluarsanneqarneranut nutaamilluunniit taarserneqarneranut aningaasartuutit akilerneqarsinnaapput atortutigut ikiorsiissut il.il. sulisilluni atorneqarsimappat, atortutigullu ikiorsiissut suliamik imaluunniit pissutsinik sulinermi atugaasunik pissuteqartumik ajoquserneqarsimappat. Isarussat sinaakkutaat akiusup ukiumoortumik iluarsineqartartup annerpaaffissaata iluani taamaallaat taarserneqartarnerat nalinginnaasuuvoq. Akiusup annerpaaffissaa aatsaat atorneqassaaq oqaaseqatigiinni siullerni pisut nalaanni isarussat ajoquserneqarsimappata aserorneqarsimappataluunniit, tak. Kalaallit Nunaanni sulisilluni ajoqusersinnaanermut isumannaarineq pillugu inatsimmi § 14, imm. 4.

Imm. 4. Suliaq suliarineqarnerani Danmarkimi Kalaallit Nunaanniluunniit napparsimmavinni namminersortuni aammalu nakorsiartarfinni namminersortuni nappaammik katsorsaanermut aningaasartuutit akilerneqarsinnaapput pisortanit tapiissutaasinnaasut ilanngaatigereernerisigut, akiliineq ullormusianit tamarmiusunit aammalu angallanneqarnermut akunninnermullu

anigaasartuutinit sipaarutit amerlaqataannit taarserneqarpat, taakkulu ajoqusertup pisortat napparsimmavianni nakorsiartarfianniluunniit katsorsarneqarnissaminut utaqqisinneqannginnerani pissarsiarineqarsinnaasutut nalilerneqarpat.

Siunissami katsorsartinnernut atortutigullu ikiorsiissutininut anigaasartuutit

§ 5. Siunissami katsorsartinnernut atortutigullu ikiorsiissutininut, tak. § 2, nr. 5 aamma 6, anigaasartuutit akilerneqarsinnaapput § 4-mi piunasaqaatit naammassineqarsimappata.

Katsorsartinnermut atortutigullu ikiorsiissutininut anigaasartuutit akilerneqarnissaat pillugu Arbejdsskadestyrelsen aalajangiinera

§ 6. Arbejdsskadestyrelsen §§ 3-5 malillugit aalajangiisinaavoq Kalaallit Nunaanni sulisilluni ajoqusersinnaanermut isumannaarineq pillugu inatsimmi § 15 malillugu ataatsimut aalajangiineq apeqqutaatinnagu.

Imm. 2. Katsorsaasumut imaluunniit atortutigut ikiorsiissutinik pisiortorfimmumut imaluunniit ajoqusertumut toqqaannartumik akiliisoqarsinnaavoq, ajoqusertoq katsorsaasumut pisiortorfimmulluunniit akiliisimappat. Akiligassiisoqarnerata kingorna akiliisoqarsinnaavoq tamannalu ingerlaavartumik pisinnaalluni.

Imm. 3. § 5 malillugu anigaasartuutit ajoqusertumut ataasiartumik akilerneqassapput, tak. imm. 4-mit 6-imut.

Imm. 4. Katsorsartinnernut atortutigullu ikiorsiissutininut siunissami piffissami killilimmi anigaasartuuteqartoqartillugu, tak. § 2, nr. 5, ataasiartumik anigaasat annertussusissaat tassaassaaq ukiumoortumik qaammatikkaartumilluunniit anigaasartuutit katsorsaanermi ukiut qaammatilluunniit atorneqartussatut naatsorsuutigineqartut amerlisaatigalugit.

Imm. 5. Katsorsartinnernut atortutigullu ikiorsiissutininut siunissami anigaasartuuteqartuassatillugu, tak. § 2, nr. 6, taakku annertussusissaat tassaassaaq ukiumut agguaqatigiissillugit anigaasartuutissatut naatsorsuutigineqartut, inuussutissarsiorsinnaanermik annaasaqarnermut taarsiissutissat ataatsikkut tunniunneqarneranni naatsorsuineri kisitsimmik § 31, imm. 4-mi annertussusilerneqartumik amerlisarlugit, tak. tamanna pillugu inatsimmi § 14, imm. 3.

Imm. 6. Imm. 4 malillugu siunissami katsorsartinnermut anigaasartuutit amerlassusiisa imm. 5 malillugu siunissami katsorsartinnermut anigaasartuutinit amerlanerusinnaanngillat, katsortartinneq pillugu katsorsaasumit missingiutinik imaluunniit atortutigut ikiorsiissummik pisiortorfimmit missingiutinik erseqqissunik peqartoqanngippat.

Suliassanngortitseqqittarneq

§ 7. Sulianut Kalaallit Nunaanni sulisilluni ajoqusersinnaanermut isumannaarineq pillugu inatsimmi § 47 malillugu suliassanngorteqqinneqartunut atatillugu §§ 3 - 6 taamatuttaaq atuutsinneqassapput.

Imm. 2. Sulianut suliassanngorteqqinneqartunut atatillugu Arbejdsskadestyrelsen inatsimmi § 14, imm. 3 malillugu nutaamik aalajangiisaaq, tak. nalunaarummi matumani § 6, imm. 4 -5.

§ 8. Nalunaarut ulloq 1. januar 2011 atuutilerpoq.

Arbejdsskadestyrelsen, ulloq 21. december 2010

ANNE LIND MADSEN

/ Tor Even Münter